

AGUR MARTZELINA!

1

Atsekabe-atsegina,
inoiz banandu ezina!
Gaur *zorionak* emon behar ta
bihar *dolumina*.
Bagenduan lagun fina
-bere antzeko bagina!-
Bihotz-betean danon izenez:
“Agur Martzelina!”

2

Etxekoandre abila
ta serbitzari isila
berak ahal eban dana jarteko
presta ta umila.
Etengabe Jainko-bila,
Bizian Goran dabila;
Jesukristogan bizi betean
aurkitu dedila.

3

Nun on egingo egarri,
arduradun dabe jarri;
Mungialdeko ***Bizian Goran***
dabe honen barri.
Danak lagunduz alkarri,
bera da eredugarri;
horra zeruan *arduradun* bat
guztion pozgarri.

4

Martzelinaren gaixua,
senide-konpromisua:
jakin orduko, handik-hemendik
dator abisua:
“Gaua, nahiz egun osua
nitzat ez da nekosua;
horra zelan dan ***Bizian Gora***
alkarte gozua.

5

Bizian Gora deitua,
badau nahiko meritua:
Ze zugatz modu dan jakiteko,
onena frutua.
Kristau konprometitua,
nundik daukan sekretua?
Txiki apalen laguntzailea
dan Espiritua.

6

Bizian Gora bidetik
aberrira erbestetik,
O Martzelina, agur anai ta
arrebok partetik.
Ondo bizi goi aldetik,
dinotsugu bihotzetik;
eta ez ahaztu *arduradun* lez
joan zinan hemendik!